

# PENERBANGAN IHSAN BAGI MEMBAWA PULANG JENAZAH ANGGOTA BOMBA

[airforce.mil.my/berita/acara-rasmi/3971-penerbangan-ihsan-bagi-membawa-pulang-jenazah-anggota-bomba](http://airforce.mil.my/berita/acara-rasmi/3971-penerbangan-ihsan-bagi-membawa-pulang-jenazah-anggota-bomba)

SUBANG, 4 Okt 18 – Tentera Udara Diraja Malaysia telah melaksanakan penerbangan ihsan bagi membawa Allahyarham PB Yahya Ali yang merupakan salah seorang anggota bomba yang lemas di Lombong Taman Putra Perdana semalam. Allahyarham merupakan seorang anggota bomba yang terlibat dalam misi mencari dan menyelamatkan seorang remaja 17 tahun yang telah terjatuh dan dikhuatiri lemas di lombong tersebut. Jenazah Allahyarham telah diterbangkan dari Pangkalan Udara Subang ke Lapangan Terbang Sibul menggunakan pesawat CN 235 daripada Detasmen No 1 Skuadron milik TUDM. Pesawat yang berlepas pada jam 2 petang tadi dijadualkan tiba di Lapangan Terbang Sibul dengan bantuan juruterbang, Mej Nur Husna Bazlin binti Rosli TUDM dan seorang pembantu juruterbang serta bantuan 2 orang krew pesawat. Turut mengiringi jenazah Allahyarham di Pangkalan Udara Subang adalah Ketua Setiausaha KPKT, YBhg Dato' Sri Haji Mohammad Bin Mentek dan Ketua Pengarah Jabatan Bomba dan Penyelamat Malaysia, YBhg Dato' Sri Hj Wan Mohd Nor Bin Hj Ibrahim bagi memberi penghormatan terakhir kepada Allahyarham sebelum berlepas ke Lapangan Terbang Sibul. Seluruh warga TUDM merakamkan takziah kepada semua waris di atas pemergian 6 pasukan penyelamat bomba.



